

Uunga siunnersuut: Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allanngortinneqarneranik Inatsisartut inatsisaat**Saqqummiussissut**

(Aningaasaqarnermut Nunamullu Namminermet Naalakkersuisoq)

Siullermeerneqarnera

Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allanngortinneqarnissaanik siunnersuut Naalakkersuisut sinnerlugit matumuuna saqqummiutissavara.

Umiarsuarnut takornarianik angallassisunut ilaasut Kalaallit Nunaannut tikittartut amerlassusii piffisami 2010-miit 2013-imut ikileriarujussuarsimasut nalunaarsorneqarsimavoq. Ikileriaat 25 procentinit angineruvoq. Ikiliartornerat 2014-imi ingerlaannassangatinneqarpoq, ukiorlu manna takornarit amerlassusii naatsorsorutsigit umiarsuarnut takornarianik angallassisunut ilaallutik takornariat 2013-imit ikinnerunissaat naatsorsuutigaarput.

Ikileriansimanerat silarsuarmi aningaasaqarnikkut ineriartornermik pissuteqartinneqarsinnaanngilaq. Takornariammi umiarsuarnut takornarianik angallassissutitut ilaallutik Nunatsinnut tikittartut ikileriaartut, taassuma peqatigisaanik Islandimi Svalbardimilu amerleriarsimapput. Misissuinerup takutippaa pingaartumik Island umiarsuarnut takornarianik angallassisunut ilaasut akileraarutaannik Nunatsinni akilersittakkatsinnit mikineerarsuarmik akiliisitsisartoq. Aamma sumiiffinni pineqartuni marlunni akileraarummik akiliisitseriaaseq maani atugarinngisarput atorineqarpoq.

Umiarsuarnut takornarianik angallassisunut ilaallutik takornariat ikileriansimanerat nunatta karsianut akileraarutitigit isertitassat ikinnerulernerannik kinguneqaannanngilaq, aammali niuertarfiit nioqqutissanik sullissinernillu takornarianut tunisaqartartut kaaviiartitaat ikiliartorput.

Taamaattumik Naalakkersuisut aalajangerput tassunga akileraarutit annertuumik appartinneqarnissaat akileraaruseeriaatsillu allanngortinneqarnissaa siunnersuutiginiarlugit. Anguniarneqarpoq Kalaallit Nunaata unammillersinnaanerulernissaa, umiarsuarnut takornarianik angallassisunut ilaallutik takornariat tassuunakkut nunatsinnik orniginninnerulersinniarlugit. Allanguutit takornarianik angallassissutinik umiarsuaatileqatigiiffinnut nalunaarutiginnissaat, Kalaallillu Nunaata ornigassatut pilerinartuuneranik paasinnitsinnissaat sivisussaaq. Taamaammatt ineriartornerup ilorraap tungaanut saannissaata ukiut arlallit qaangiuppata aatsaat takuneqarsinnaalernissaa naatsorsuutigaara.

Aammattaaq siunnersuummi pineqarpoq ilaasut angalanernut Danmarkimiit, Savalimmiuniit nunanilluuniit allaniit aaqqissuunneqartunut billetsimik ataatsimoortumik pisisimasut akileraarutaannik atorunnaarsitsinissaq. Paasinarsisimavoq akileraarut taanna atortikkuminaatsuisoq. Akileraarummik akiliisussaatitaaneq taamaallaat timmisartumut umiarsuarmullu billetsit ataatsikkut tunineqarneranni atuuppoq. Angalanissat internetikkut inniminnerneqarsinnaaneratt atorineqariartuinnartillugu takornariat ataasiakkaat namminneerlutik billetsit inniminner-

naalersimavaat, akileraarullu tassuunakkut sipaarlugu. Taamaattumik takornariat marluk assigiimmik angalasussat akileraarut eqqarsaatigalugu assigiinngitsumik tunngavissaqanngitsumillu atugassaqartinneqarput. Tamanna naammaginangitsutut isigaara. Aamma akileraaruseriffiup ilaasunillu angallassisut nunani allani angalatitseqatigiiffiit maleruagassat maanna atuuttut malinneraat akileraarummillu akiligassaminnik akiliisarnersut nakkutigissallugu perarfissaqanngillat.

Inatsisissatut siunnersuut tassungalu oqaaseqatit naggataatigut innersuussutigaa.

Siunnersuut Naalakkersuisut sinnerlugit matumuuna Inatsisartunut suliassanngortippara, aamalu Aningaasaqarnermut Akileraartarnermullu Ataatsimiititaliami suliarineqareerpat aappasaaniigassanngortillugu.